



Data: 18.05.2018

Ref.: 436/18D

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.20/2016, datë 20.09.2016), Këshilli Shtetërorë i Cilësisë (KSHC), në mbledhjen e 53-të, të mbajtur më 22 Shtator 2017, mori:

#### V E N D I M

I. Revokohet/tërhiqet akreditimi i programit të studimit të Kolegjit “Globus”, si në vijim:

- Biznes dhe Menaxhment, BA, 180 ECTS.

II. Ndalohet regjistrimi i studentëve në programin e lartshënuar.

#### Arsyetimi

I. KSHC në mbledhjen e 53-të të mbajtur me datë 22 Shtator 2017, ka shqyrtuar listën e stafit akademik të Kolegjit “Globus” për programin e studimit: Biznes dhe Menaxhment, BA, (180 ECTS), në përputhje me kërkesat e Udhëzimit Administrativ për Akreditimin e IAL-ve Nr.20/2016, datë 20.09.2016. Duke pasur parasysh se lista e stafit akademik e ofruar nga Kolegji “Globus” për programin e studimit të cekur më sipër, përbën shkelje të legjislacionit në fuqi, përkatësisht nenit 28, pika 2, 3 dhe 4, të UA për Akreditim Nr.20/2016, datë: 20.09.2016, KSHC i AKA-së mori vendim si në dispozitiv të këtij vendimi.

II. Sipas Udhëzimit Administrativ për Akreditimin e Institucioneve të Arsimit të Lartë në Republikën e Kosovës (Nr.20/2016, datë: 20.09.2016), Neni 28, Pika 1, “AKA e rezervon të drejtën të inespjektojë institucionet e akredituara në çfarëdo forme me ose pa paralajmërim.”, KSHC i AKA-së, në mbledhjen e 52-të, të mbajtur me datë: 28.07.2017, ka autorizuar zyrën e AKA-së që të bëjë verifikim të dyfishtë të stafit akademik të cilët nuk janë shtetas të Republikës së Kosovës dhe të cilët janë të deklaruar si staf i rregullt në Kosovë. Kjo për arsye se një numër i madh i personave të cilët nuk janë shtetas të Republikës së Kosovës, pavarësisht dorëzimit të dokumentit zyrtar (në mbledhjet paraprake) se nuk janë të punësuar në shtetin e tyre të origjinës, të njëjtit figurojnë të rregullt në universitetet e shtetit të tyre të origjinës. AKA ka kontaktuar me institucionet e identifikuara në shtetet e origjinës për shtetasit e huaj duke ju kanë drejtuar kërkesë për informatë nëse stafi i njëjtë është i angazhuar në të njëjtën kohë edhe në institucionet e tyre si staf i rregullt. Bazuar në verifikimin lidhur me angazhimin jashtë Kosovës të stafit akademik shtetas të huaj të Kolegjit “Globus”, të cilët janë deklaruar si stafi i rregullt edhe në institucionin në fjalë në Republikën e Kosovës, pas kontaktimit të Institucioneve përkatëse në vendet e tyre të origjinës ka rezultuar si në vijim:

- Rametulla Ferati, është konfirmuar marrëdhënia e rregullt e punës në: Universitetin Shtetëror të Tetovës në Maqedoni, (bartës i programit të studimit: Biznes dhe Menaxhment, BA, 180)
- Hasim Deari, është konfirmuar marrëdhënia e rregullt e punës në: Universitetin Shtetëror të Tetovës në Maqedoni, (bartës i programit të studimit: Biznes dhe Menaxhment, BA, 180).

III. Pas marrjes së informatave të mësipërme, AKA ka vërtetuar se stafi akademik përkatës kanë dorëzuar deklaram të rremë në AKA për qëllime të ri/akreditimit të programeve të studimit dhe kjo paraqet shkelje serioze të dispozitave ligjore në fuqi në Republikën e Kosovës. Për më tepër, ky deklaram i rremë përbën shkelje të rëndë të Udhëzimit Administrativ për Akreditimin e IAL-ve në Kosovë, meqenëse AKA në këtë mënyrë ka bërë ri/akreditimin e programeve të studimit bazuar në dëshmi dhe informata të rrejshme.

IV. Procesi i verifikimit të stafit akademik për shtetasit e huaj, është bërë me njoftimin paraprak të IAL-ve nga AKA në lidhje me vendimin e KSHC-së për procesin e verifikimit të këtij procesi. Për më tepër, AKA këtë proces e ka realizuar në transparencë të plotë me gjitha palët e përfshira në këtë proces, përkatësisht me IAL-të në Kosovë, stafin akademik dhe Institucionet relevante në shtetet fqinje dhe vendet tjera.

V. Stafi akademik me rastin e deklaramit të angazhimit të tyre në IAL-të në Kosovë janë të obliguar të dorëzojnë një deklaramtë nën betim, përmes së cilës autorizojnë AKA-në që të bëjë verifikimin e të dhënave të paraqitura në deklaramtat e tyre.

VI. Tërheqja e akreditimit të programit të studimit, nënkupton që IAL-së i tërhiqet akreditimi për programin respektiv dhe i njëjti obligohet që të nis nga fillimi procesin e akreditimit të programeve të studimit, duke mos pasur të drejtë regjistrimin e studentëve të rinj. Studentët e regjistruar në këtë program të studimit në vitet e mëhershme akademike, tani më të tërhequr, do të vazhdojnë me studimet e tyre në përputhje me statutin e institucionit si dhe dispozitatat ligjore në fuqi.


VII. Sipas Udhëzimit Administrativ për Akreditimin e Institucioneve të Arsimit të Lartë në Republikën e Kosovës (Nr.20/2016, datë:20.09.2016), në nenin 28, pika 2, përcaktohet se: *“AKA mund të rishqyrtojë akreditimin e dhënë në çfarëdo kohe dhe më pas të tërheq vendimin e saj për akreditim.”* Po ashtu në nenin 28, pika 3, përcaktohet se: *“AKA mund të tërheq akreditimin në rastet kur ka dëshmi se cilësia e ofrimit të programeve në një ose më shumë fusha për të cilat është dhënë akreditimi është dëmtuar në masë të madhe.”* Po ashtu në nenin 28, pika 4, përcaktohet se: *“Akreditimi mund të tërhiqet po ashtu në rastet kur është përcaktuar se aplikuesi ka dorëzuar informata dhe dokumentacione të pasakta të cilat kanë ndikuar në dhënien e akreditimit.”*

Bazuar në nenin 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.20/2016, datë 20.09.2016), si dhe dispozitave tjera ligjore, KSHC vendosi si në dispozitiv të këtij vendimi.

**Këshillë juridike:** Kundër këtij vendimi mund të paraqitet kërkesë për rishqyrtim të vendimit sipas nenit 126, pika 2 a, të Ligjit mbi Procedurën Administrative nr. 02/L-28. Kërkesa për rishqyrtim të vendimit i dorëzohet Agjencinë e Kosovës për Akreditim në afatin prej 30 ditëve nga data e pranimit të këtij vendimi siç është përcaktuar në nenin 130, pika 1 e Ligjit mbi Procedurën Administrative.

Vendimi iu dërgohet:

- Kolegji "Globus"
- MASHT;
- Arkivit të AKA-së.

---

**Prof. Dr. Gazmend Luboteni**  
Kryetar i Këshillit Shtetëror të Cilësisë

